

BOSNA I HERCEGOVINA
FEDERACIJA BOSNE I HERCEGOVINE U N S K O
– S A N S K I K A N T O N

JU Mješovita elektrotehnička i drvoprerađivačka srednja škola,
Bihać Dr. Irfana Ljubijankića 64
www.etsbi.edu.ba



PRAVILNIK
O KORIŠTENJU SISTEMA VIDEONADZORA

Bihać, 27.08.2024. godine

Na osnovu Zakona o srednjem obrazovanju USK, član 55, Školski odbor JU Mješovita elektrotehnička i drvoprerađivačka srednja škola Bihać, na sjednici održanoj dana 27.08.2024. godine donio je

PRAVILNIK O KORIŠTENJU SISTEMA VIDEONADZORA

I. OPŠTE ODREDBE

Član 1.

(1) Pravilnikom o korištenju sistema videonadzora (dalje u tekstu: Pravilnik) u JU Mješovita elektrotehnička i drvoprerađivačka srednja škola Bihać (dalje u tekstu: Škola) definira se svrha i opseg podataka koji se prikupljaju, način i vrijeme čuvanja, te upotreba snimljenih podataka, zaštita prava učenika i ostalih korisnika usluga Škole, radnika i svih drugih osoba koje borave u Školi.

(2) Ovaj Pravilnik primjenjuje se u skladu sa zakonskim i podzakonskim aktima kojima se uređuje i regulira zaštita ličnih podataka i provedba sistema tehničke zaštite.

(3) Izrazi koji se u ovom Pravilniku koriste, a koji imaju rodno značenje, bez obzira na to jesu li korišteni u muškom ili ženskom rodu, obuhvaćaju na jednak način i muški i ženski rod.

II. SVRHA VIDEONADZORA

Član 2.

(1) Sistem videonadzora koristi se zbog zaštite sigurnosti učenika, radnika, posjetitelja/stranaka i imovine Škole, a posebno radi zaštite one imovine za koju je zakonom određeno da se trajno čuva, te imovine koja služi za pohranjivanje i obradu podataka.

(2) Sistem videonadzora, uz navedeno u stavu 1. ovoga člana, koristi se i za sprječavanje protupravnih radnji usmjerenih prema školskoj imovini kao što su krađa, oštećenja, uništenja i sl.

(3) Snimke koje su snimljene sistemom videonadzora mogu se isključivo koristiti za navedeno u stavu 1. i 2. ovoga člana.

III. OPSEG, NAČIN I VRIJEME ČUVANJA PODATAKA

Član 3.

- (1) Sistem videonadzora snima prostor Škole od 0 do 24 sata, sve dane u sedmici, bez audio snimanja.
- (2) Sistem videonadzora snima isključivo prostor Škole (vanjski/ulazni prostor Škole, školske hodnike, učionice).
- (3) Pravo pristupa ličnim podacima prikupljenim putem videonadzora ima direktor Škole kao organ rukovođenja koji je zadužen i za sigurnost i osoba/e koju/e direktor ovlasti.
- (4) Osobe iz stava 3. ovog člana koje imaju pravo pristupa videosnimkama daju izjavu o povjerljivosti u kojoj se obavezuju da će sve lične podatke koje saznaju iz videosnimki čuvati kao poslovnu tajnu kako za vrijeme radnog odnosa kod Poslodavca tako i nakon prestanka radnog odnosa.
- (5) Pristup podacima iz stava (3) ovoga člana imaju i nadležna tijela u okviru obavljanja poslova iz svog zakonom utvrđenog djelokruga.

Član 4.

- (1) Snimke dobivene putem videonadzora mogu se čuvati najviše šest (6) mjeseci, osim ako je drugim zakonom propisan duži rok čuvanja ili ako su dokaz u sudskom, upravnom ili drugom istovrijednom postupku.
- (2) U slučajevima počinjenja krivičnog djela, oštećenja ili uništavanja imovine i sl., prikupljeni podaci o takvom događaju mogu se sačuvati kao dokazni materijal te na zahtjev ustupiti sudskim i policijskim tijelima.

IV. ZAŠTITA PRAVA UČENIKA, RADNIKA I SVIH DRUGIH OSOBA KOJE BORAVE U ŠKOLI

Član 5.

- (1) Škola je dužna označiti da je objekt, odnosno pojedini prostor Škole te vanjska površina pod videonadzorom.
- (2) Direktor, kao ni bilo koja druga osoba, ne smije koristiti podatke o osobama prikupljene sistemom tehničke zaštite izvan njihove zakonske namjene.

V. ZAVRŠNE ODREDBE

Član 6.

Ovaj Pravilnik stupa na snagu osmog dana od dana objave na oglasnoj ploči Škole.

Pravilnik je objavljen na oglasnoj ploči dana 27.08.2024.godine, a stupio je na snagu dana 02.09.2024. godine.

Predsjednica Školskog odbora:

Direktor Škole:

Orhana Ćoralić, prof.

Adnan Suljanović, prof.